

# Tar ils dus DC's per uffants vegn uss anc il nov cudesch da Linard Bardill

Istorgias misteriusas dal pastur Andri Tona

■ (anr) Quest'emna cumpara il nov cudesch per uffants da Linard Bardill en la chasa editura Zytglogge. Il cudesch raquinta la historia misteriusa dal pastur Andri Tona che va l'atun a pe encunter Turitg ed arriva sin ses viadi schizunt en l'America. Medemamain repeta radio DRS 1 questa e proxima emna las aventuras dal pastur Andri en diesch serias. Quellas vegnan emessas a las 11.45 en il «Kinderclub» ed a las 19.30 en l'emissium «SiggSagg-Sugg». Tgi che less dentant tadlar las aventuras en in toc po comprar il disc cumpact dubel «Lieder und Gschichte us em Rucksack von Andri»: L'actor grischun *Andrea Zogg* raquinta l'istoriga, e chanzuns da l'autur sez na dastgan sa chapescha er betg mancar.


## Fastizs rumantschs

Avant in onn è cumpari il DC per uffants «Luege was der Mond so macht».

Là ha *Linard Bardill* cumponi, sunà e chantà texts da Lorenz Pauli. Il DC è daventà in success. Las chanzuns na pon betg mo fascinar ils uffants, che san prest ordadora ellas, mabain era ils creschids. Sco sin il DC da l'onni passà l'ascha Bardill era sin il nov DC enavos intgins fastizs rumantschs: uschia èn tranter las chanzuns tudestgas da chattar «Via dal lat» u sin il nov DC la chanzun da buna notg «Tutta nanna tgu».

## Action, poesia e filosofia

«Das geheimnisvolle Buch – Aus dem Rucksack von Andri» è il titel dal cudesch che cumpara quest'emna. Andri Tona banduna sco mintg'atun cun ses



Igl autur Linard Bardill.

LO

chaun Tarru l'alp Calusa è sa metta sin viadi en la citad. Cun agid d'in nanin ch'è cumpari al pastur en il siemi chatta el in cudesch misterius. Nagin che po legger la scrittira ed ils segns en quest cudesch. Mo in pau a la giada gartegi ad Andri da chapir intginas frasas. Entras questa scuverta vegn Andri manà vina-vant dad in segn a l'auter: ina buttiglia bittada davent, ina marca postal custai-va, ina brev nunspetgada... Tut quai èn etappas d'in viadi captivant e fantastic plain aventuras. Il pastur chatta en l'ester sia figlia Andrea ch'el n'enconuscheva fin là anc betg. Ensemen cun lezza sfundra Andri en in mund miraculus dal qual els pon be mitschar pli cun agid

dal satgados dad Andri. Sin las differents staziuns da viadi inscuntra il pastur diversas furmas da vita: la famiglia ventiravla a Maiavilla, il pestgader solitari al Lai Rivaun, la cuminanza d'abitar a Turitg e la mamma ch'educhescha sulletta l'uffant en l'America. Bardill ha pachetà en ses cudesch misteris sco en ditgas, action, filosofia e poesia – dapli pia che quai che vegn uschiglio purschi ozendi als uffants. Il disc cumpact dubel: Linard Bardill, «Lieder und Gschichte us em Rucksack vom Andri», cumpari tar Sound Service Gümligen.

Il cudesch: Linard Bardill, «Das geheimnisvolle Buch – Aus dem Rucksack von Andri», chasa editura Zytglogge, ca. 112 paginas, ca. 26 francs.